

新都縣志卷五

學校志

記曰古之教者家有塾黨有庠術有序國有學三代以後古制浸衰漢文翁治蜀作禮殿圖使張寬等至京師受七經絃歌雅頌風競齊魯學校之盛甲於天下武帝令諸國仿而行之學宮之制其由此昉乎唐武德二年始詔州縣並令置學宋慶曆四年以范仲淹請詔州縣興學校至我

朝重熙累洽稽古右文增修典禮實隆且脩士之

新都縣志

卷五 學校志

斯世者涵濡振作文氣蒸蒸日上莫不爭自砥礪經明行修以無負

國家壽考作人之化爰攷典禮及學宮創建之由而以書院義學附於後作學校志

學宮舊在縣西南唐咸亨元年建見楊炯新都夫子廟堂碑其蹟不可考明洪武初建造正統五年重修天順十八年知縣楊敷改建縣南卽今所

歷中知縣劉文徵李應龍教諭邱嵩相繼培修明

季毀

國朝康熙二十六年知縣王祇台承建正殿兩廡戟門櫺星門崇聖祠四十四年知縣秦天賜重修兩廡雍正八年知縣高尙志重建乾隆三十二年知縣仲純信重建嘉慶十一年教諭權懷仕增修兩廡道光十七年知縣張奉書重修正殿崇聖祠兩廡

御碑亭尊經閣櫺星門致齋所更衣所神庫神厨宰牲所聖域賢關二門鄉賢祠名宦祠節孝祠孝弟忠義祠宮墻照墻添製祭器四百八十件

新都縣志

卷五

學校志

二

康熙二十三年

欽頒 文廟

御書萬世師表匾額

雍正四年

欽頒 文廟

御書生民未有匾額

乾隆三年

欽頒 文廟

御書與天地參匾額

嘉慶七年

欽頒 文廟

御書聖集大成匾額

道光二年

欽頒 文廟

御書聖協時中匾額

文廟正殿

至聖先師孔子神位正中南向

漢高帝十二年過魯以太牢祀孔子平帝時諡

為褒成宣尼公明帝永平二年詔郡縣學校祀孔子章帝元和二年至魯祀孔子及七十二弟子於

新都縣志

卷五

學校志

三

闕里作六代之樂安帝延光三年祀孔子及七十二弟子於闕里南梁天監四年立孔子廟北魏太和十六年諡文聖尼父唐武德二年始詔國子監立廟貞觀二年升為先聖四年詔州縣學皆作孔子廟十一年尊為宣父開元二十七年諡文宣王周顯德二年別營國子監宋因之祥符元年諡元聖文宣王二年以始祖諱元朗改諡至聖文宣王元至大元年加大成至聖文宣王明嘉靖九年稱至聖先師孔子祠宇稱廟不稱殿祀用木主配位止稱先賢先儒 國朝順治二年諡大成至聖文宣先師孔子十四年改諡號為至聖先師孔子

東西四配

復聖顏子

名回字子淵魯人漢高帝二年祀孔子以顏子配唐總章元年贈太子少師太極元年

年贈太子太師皆配享開元二十七年贈充公宋祥符因之咸淳三年定配位居正殿之東北上西

向元至順元年封復聖公
明嘉靖九年稱復聖顏子

宗聖曾子

名參字子輿南武城人唐總章元年贈太子少保太極元年贈太子太保開元二十年

七年追封郕伯宋大觀二年封武城侯位十哲東向咸淳三年封郕國公次充公配位東向元至順

元年封郕國宗聖公嘉靖九年稱宗聖曾子

述聖子思子

名伋字子思宋崇寧元年封沂水侯大觀二年從祀咸淳三年封沂國公位配

西向元至順元年封沂國述聖公嘉靖九年稱述聖子思

亞聖孟子

名軻字子輿一字子車鄒人宋熙寧七年封鄒國公位配東向元至順元年封鄒國

亞聖公嘉靖九年稱亞聖孟子

東西次十二哲

新都縣志

卷五

學校志

四

先賢閔子

名損字子騫魯人唐開元二十七年從祀贈費侯宋祥符二年封公政和三年稱琅

邪公位東向咸淳三年稱費公居殿上西向

先賢冉子

名耕字伯牛魯人唐開元二十七年贈鄆侯宋祥符二年封公政和三年稱東平公

位東向咸淳三年稱鄆公居殿上東向

先賢冉子

名雍字仲弓魯人唐開元二十七年從祀贈薛侯宋祥符二年封公政和三年稱下

邳公位東向咸淳三年稱薛公居殿上西向

先賢宰子

名予字子我魯人唐開元二十七年贈齊侯宋祥符二年封公政和三年稱臨淄公

位東向咸淳三年稱齊公居殿上東向

先賢端木子

名賜字子貢衛人唐開元二十七年從祀贈黎侯宋祥符二年封公政和三年

稱黎陽公位東向咸淳三年

先賢冉子 名求字子有仲弓之宗族魯人唐開元二年

年稱彭城公位東向咸淳三年

先賢仲子 名由字子路卞人唐開元二十七年從祀

內公位東向咸淳三年

先賢言子 名偃字子游吳人唐開元二十七年贈吳

位東向咸淳三年稱

先賢卜子 名商字子夏衛人唐貞觀二十一年從祀

政和三年稱魏公居殿上西向

新都縣志

卷五

學校志

五

先賢顓孫子 名師字子張陳人唐開元二十七年贈

侯政和三年從祀東廡咸淳三年

先賢有子 名若字子有一作子若魯人唐開元二十

國朝乾隆三年升

先賢朱子 名熹字元晦婺源人諡文宋淳祐元年從

列殿東十哲之次

東廡位西向

先賢蘧瑗 字伯玉衛人宋咸淳三年封內黃侯明嘉

先賢澹臺滅明 字子羽魯武城人唐開元二十七年

先賢原憲

字子思魯人檀弓作仲憲唐開元二十七年封原伯宋咸淳三年封任城侯

先賢南宮适

一名縮又名閱字子容魯人唐開二十七年封郟伯宋大觀二年封汶

或云襲邱侯咸淳三年封汝陽侯

先賢商瞿

字子木魯人唐開元二十七年封蒙伯宋咸淳三年封須昌侯

先賢漆雕開

字子若史記作子開蔡人唐開元二十七年封滕伯宋咸淳三年封平輿侯

先賢司馬耕

字子牛宋人家語作黎耕唐開元二十七年封向伯宋大觀二年封睢陽侯

先賢梁鱣

字叔魚齊人唐開元二十七年封伯或云趙伯宋咸淳三年封千乘侯

先賢冉孺

字子魯一作曾魯人唐開元二十七年封郟伯或云紀伯宋咸淳三年封臨浦侯浦

一作沂

新都縣志

卷五

學校志

六

先賢伯虔

家語作伯處字子析魯人唐開元二十七年封鄒伯或云聊伯宋咸淳三年封沐陽

侯

先賢冉季

字子產魯人一字子達唐開元二十七年封東平伯宋咸淳三年封諸城侯

先賢漆雕徒父

字子有家語名從字子文魯人唐開元二十七年封須句伯宋咸淳三年

封高苑侯

先賢漆雕哆

字子歛魯人唐開元二十七年封武城伯宋咸淳三年封濮陽侯

先賢公西赤

字子華魯人唐開元二十七年封伯或云郟伯宋咸淳三年封鉅野侯

先賢任不齊

字子選楚人唐開元二十七年封任城伯宋咸淳三年封當陽侯

先賢公良孺

字子正陳人唐開元二十七年封東牟伯宋咸淳三年封牟平侯

先賢公肩定 字子中肩一作堅魯人唐開元二十七年封新定伯或云新田伯宋大觀二年

封梁
父侯

先賢鄒單 字子家魯人唐開元二十七年封聊城侯

先賢罕父黑 字子素罕家語作宰魯人唐開元二十七年封乘邱伯宋大觀二年封祁鄉侯

先賢榮旂 家語作祈字子祈魯人唐開元二十七年封雩婁伯宋咸淳三年封厭次侯

先賢左人郢 家語作左郢字子行魯人唐開元二十七年封臨淄伯宋咸淳三年封南華侯

先賢鄭國 字子徒鄭人家語作薛邦魯人唐開元二十七年封榮陽伯宋咸淳三年封胸山侯

先賢原亢 家語作伉字子籍魯人唐開元二十七年封萊蕪伯宋大觀三年封樂平侯

先賢廉潔 字子庸家語作子曹衛人唐開元二十七年封莒父伯宋大觀三年封胙城侯

新都縣志

卷五 學校志

七

先賢叔仲會 叔仲氏字子期魯人唐開元二十七年封瑕邱伯宋咸淳三年封博平侯

先賢公西與如 字子上一作公西與魯人唐開元二十七年封重邱伯宋咸淳三年封臨

胸
侯

先賢邾巽 字子歛史記索隱作邾巽家語作邾選魯人唐開元二十七年封平陸伯宋咸淳三

年封高
堂侯

先賢陳亢 字子禽陳人唐贈穎伯

先賢琴張 名牢字子開一字子張衛人唐贈南陵伯宋大觀二年封陽平侯

先賢步叔乘 字子車廣韻注少叔複姓齊人唐開元二十七年封淳于伯宋咸淳三年封

昌
侯

先賢秦非 字子之魯人唐開元二十七年封華亭侯

先賢顏噲 字子聲魯人唐開元二十七年封濟陰侯

先賢顏何 字子冉魯人唐開元二十七年封開宋咸淳三年封堂邑侯嘉靖九年罷

國朝雍正二年復祀

先賢縣直 索隱作豐字子象魯人檀弓有縣子國朝雍正二年增祀

先賢樂正克 從祀孟子弟子周人宋政和五年封利從祀孟子廟國朝雍正二年增祀

先賢萬章 從祀孟子弟子齊人宋政和五年封博興從祀孟子廟國朝雍正二年增祀

先賢周敦頤 字茂叔宋道州人諡元宋淳祐元年從祀咸淳三年封汝南伯

先賢程顥 字伯淳宋河南人稱明道先生諡純宋淳祐元年從祀咸淳三年封河南伯元至順

新都縣志

卷五 學校志

元年封 豫國公

先賢邵雍 字堯夫宋河南人諡康節宋咸淳三年從祀封新安伯

先儒公羊高 春秋時齊人唐貞觀二十一年從祀宋咸淳三年封臨淄伯

先儒伏勝 或云字子踐唐貞觀二十一年從祀咸淳三年封乘氏伯

先儒董仲舒 漢廣川人元至順元年從祀明成化三年封廣川伯

先儒后蒼 漢東海郯人明嘉靖九年從祀

先儒杜子春 漢河南緱氏人唐貞觀二十一年從祀宋咸淳三年封緱氏伯

先儒諸葛亮 字孔明漢瑯琊陽都人諡忠武國朝雍正二年增祀

先儒王通 字仲淹隋龍門人私諡文中子明嘉靖九年增祀

先儒陸贄唐嘉興人諡宣公國朝道光六年增祀

先儒范仲淹字希文宋吳縣人諡文正國朝康熙五十四年增祀

先儒歐陽修字永叔宋廬陵人諡文忠明嘉靖九年增祀

先儒楊時字中立宋將樂人稱龜山先生元至正二年封將樂伯

從祀

先儒羅從彥字仲素宋南劍州人稱豫章先生明隆慶六年從祀

先儒李侗字愿中宋南劍州人元至正二年封越國公明隆慶六年從祀

先儒呂祖謙字伯恭號東萊宋婺州人諡忠亮景定二年從祀咸淳三年封開封伯

先儒蔡沈字仲默宋建陽人稱九峯先生元至正二年封建國公明正統二年從祀成化

新都縣志

卷五

學校志

九

二年封崇安伯

先儒陳淳字安卿宋漳州人稱北溪先生國朝雍正二年增祀

先儒魏了翁字華父宋邛州人國朝雍正二年增祀

先儒王栢字會之宋婺州人諡文獻國朝雍正二年增祀

先儒趙復字仁甫元德安人稱江漢先生國朝雍正二年增祀

先儒許謙字益之元金華人稱白雲先生國朝雍正二年增祀

先儒吳澄字幼清元崇安人諡文正明正統二年從祀宏治八年罷國朝乾隆二年復祀

先儒胡居仁字叔心明餘干人號敬齋萬曆十二年從祀

先儒王守仁字伯安明餘姚人諡文成萬曆十二年從祀

先儒羅欽順 字允升明泰和人國朝雍正二年增祀

先儒黃道周 明漳浦人諡忠端道光五年增祀

先儒湯斌 睢州人諡文正道光三年增祀

西廡位東向

先賢林放 字子邱魯人唐贈清河伯宋政和三年封長山侯從祀明嘉靖九年改祀於鄉國

朝雍正二年復祀

先賢宓不齊 字子賤魯人唐開元二十七年封單父侯

先賢公冶長 字子長魯人史記作齊人唐開元二十七年封高密侯

先賢公皙哀 家語作克字季次齊人唐開元二十七年封北海侯

新都縣志

卷五 學校志

十一

先賢高柴 字子羔檀弓作子臯又作季子臯齊人或云衛人又云鄭人唐開元二十七年封共

伯宋咸淳三年封共城侯

先賢樊須 字子遲魯人唐開元二十七年封樊伯宋咸淳三年封益都侯

先賢商澤 字子季家語作子秀魯人唐開元二十七年封睢陽伯咸淳三年封鄒平侯

先賢巫馬施 字子期陳人唐開元二十七年封鄆伯宋咸淳三年封東阿侯

先賢顏辛 一作幸一作韋字子柳魯人唐開元二十七年封蕭伯或云蕃伯宋咸淳三年封陽

穀侯

先賢曹邴 字子循蔡人唐開元二十七年封豐伯或云曹伯宋咸淳三年封上蔡侯

先賢公孫龍 字子石楚人家語龍作寵唐開元二十七年封黃伯宋咸淳三年封枝江侯

先賢秦商

字丕茲史記作子丕魯人唐開元二十七年封上洛伯宋大觀二年封馮翊侯咸淳

三年封
鄂城侯

先賢顏高

一作產一作尅字子驕魯人唐開元二十七年封琅琊伯宋咸淳三年封雷澤侯

先賢壤駟赤

字子徒或作從秦人唐開元二十七年封北徵伯或云北衛伯宋咸淳三年封

上邽
侯

先賢石作蜀

石作氏字子明秦紀人唐開元二十七年封郿邑伯或云石邑伯宋咸淳三年

封成邑侯或
云成紀侯

先賢公夏首

家語首作守字子乘魯人唐開元二十七年封亢父伯宋大觀二年封鉅平侯

先賢后處

家語后作石字子里齊人唐開元二十七年封營邱伯宋大觀二年封膠東侯

新都縣志

卷五

學校志

士

先賢奚容蒧

字子皙魯人一作衛人唐開元二十七年封下邳伯宋咸淳三年封濟陽侯

先賢顏祖

字子襄魯人家語作顏相唐開元二十七年封臨沂伯或云臨邑伯宋大觀三年封

富陽
侯

先賢句井疆

字子疆衛人唐開元二十七年封淇陽伯宋咸淳三年封滏陽侯

先賢秦祖

字子南秦人唐開元二十七年封少梁伯宋大觀三年封馮翊侯或云鄂城侯

先賢縣成

字子祺家語作子橫魯人唐開元二十七年封鉅野伯宋咸淳二年封武城侯

先賢公祖句茲

字子之魯人唐開元二十七年封期思伯宋咸淳三年封即墨侯

先賢燕伋

字子思家語伋作級秦人唐開元二十七年封漁陽伯宋咸淳三年封沂源侯

先賢樂欬

字子欣字子聲魯人唐開元二十七年封昌平伯宋大觀三年封建成侯

先賢狄黑 字子皙家語作皙之衛人唐開元二十七年封臨濟伯宋咸淳三年封林慮侯

先賢孔忠 或作弗字子蔑孔子兄孟皮子唐開元二十七年封汶陽伯宋咸淳三年封鄆城侯

先賢公西歲 字子上家語作尚魯人唐開元二十七年封祝阿伯宋咸淳三年封徐城侯

先賢顏之僕 字子叔魯人唐開元二十七年封東武伯宋咸淳三年封宛句侯

先賢施之常 字子恒一作子常魯人唐開元二十七年封乘氏伯宋咸淳三年封臨濮侯

先賢申枏 鄭康成云蓋孔子弟子申續史記申棠字棠為黨家語以續為績傳寫之譌也後漢王政碑有羔羊之絜無申棠之欲則申枏申棠一人爾唐開元二十七年封申黨召陵伯又封申枏魯伯宋祥符封枏文登侯又封黨淄川侯明嘉靖九年始存枏去黨

新都縣志 卷五 學校志 十一

新都縣志

卷五

學校志

先賢左邱明 左邱氏字子明中都人魯太史唐貞觀二十一年從祀宋大觀二年封中都伯

先賢秦冉 字子開魯人唐開元二十七年封彭衙伯宋咸淳三年封新息侯嘉靖九年罷祀

國朝雍正二年復祀

先賢牧皮 趙岐曰牧皮事孔子學者也 國朝雍正二年增祀

先賢公都子 孟子弟子齊人宋政和五年封平陰伯從祀孟子廟 國朝雍正二年增祀

先賢公孫丑 孟子弟子齊人宋政和五年封壽光伯從祀孟子廟 國朝雍正二年增祀

先賢張載 字子厚宋郾縣人諡明淳祐元年從祀咸淳三年封郾伯

先賢程頤 字正叔伯淳之弟稱伊川先生淳祐元年從祀咸淳三年封伊陽伯元至順元年封

洛國公

先儒穀梁赤 一名淑字元始魯人唐貞觀二十一年從祀宋大觀二年封睢寧伯

先儒高堂生 漢魯人傳士禮唐貞觀二十一年從祀宋咸淳三年封萊蕪伯

先儒孔安國 字子國先聖十一世孫唐貞觀二十一年從祀宋咸淳三年封曲阜伯

先儒毛萇 字長公漢趙人稱小毛公唐貞觀二十一年從祀宋咸淳三年封樂壽伯

先儒鄭元 字康成漢高密人唐貞觀二十一年從祀宋咸淳三年封高密伯明嘉靖九年改祀

於鄉 國朝雍正二年復祀

先儒范甯 字武子晉順陽人唐貞觀二十一年從祀宋咸淳三年封新野伯明嘉靖九年改祀

於鄉 國朝雍正二年復祀

先儒韓愈 字退之唐南陽人諡文宋熙寧七年封昌黎伯從祀

新都縣志

卷五

學校志

十三

先儒胡瑗 字翼之宋海陵人諡文昭明嘉靖九年增祀

先儒司馬光 字君實宋夏縣人諡文正咸淳三年從祀封溫國公

先儒尹焞 字彥明宋洛人賜號和靖處士 國朝雍正二年增祀

先儒胡安國 字康侯宋崇安人諡文定元至正二十二年封楚國公明正統二年從祀成化

二年封建寧伯

先儒張栻 字敬夫宋綿竹人稱南軒先生諡宣景定二年從祀咸淳三年封華陽伯

先儒陸九淵 字子靜號象山宋金谿人諡文安明嘉靖九年從祀

先儒黃幹 字直卿號勉齋宋閩縣人 國朝雍正二年增祀

先儒真德秀 字景元號西山諡文忠元至正二十二年封福國公明正統二年從祀成化二

年封浦
城伯

先儒何基

字子恭宋金華人諡文定
國朝雍正二年增祀

先儒文天祥

宋廬陵人
國朝道光二十三年增祀

先儒陳澔

字可大元都昌人稱雲莊先
國朝雍正二年增祀

先儒金履祥

字吉甫元蘭溪人諡文安
國朝雍正二年增祀

先儒許衡

字仲平號魯齋元河內人
諡文正皇慶二年從祀

先儒薛瑄

字德温號敬軒明河
津人隆慶五年增祀

先儒陳獻章

字公甫明新會人稱白沙
先生萬曆十二年增祀

先儒蔡清

字介夫明晉江人諡文莊
國朝雍正二年增祀

新都縣志

卷五

學校志

十四

先儒劉宗周

明山陰人諡忠介
道光二年增祀

先儒呂坤

字叔簡明寧陵人
道光六年增祀

先儒孫奇逢

號鍾元明容城人
道光八年增祀

先儒陸龍其

字稼書平湖人諡清獻
國朝雍正二年增祀

崇聖祠

原名啓聖祠宋祥符元年封叔梁公爲齊國公
元至順元年加封啓聖王明嘉靖九年稱啓聖

公并詔建祠
國朝雍正二年追
封孔子先世五代王爵更今名

肇聖王木金父公

室中一

裕聖王祈父公

室東一

詒聖王防叔公

室西一

昌聖王伯夏公室東二

啓聖王叔梁公室西二

殿上東西配位

先賢顏氏名無繇字季路復聖顏子父唐開元二十七年封杞伯宋咸淳三年封曲阜侯元進

杞國公諡文裕西廡從祀

先賢孔氏名鯉字伯魚述聖子思子父宋崇寧元年封泗水侯咸淳三年東廡從祀

先賢曾氏名點史記作葦字皙宗聖曾子父唐開元二十七年封宿伯宋咸淳三年封萊蕪侯

東廡從祀

先賢孟氏名激字公宜魯孟孫氏後亞聖孟子父元延祐三年封邾國公以上明嘉靖九年詔

新都縣志

卷五

學校志

五

配啓聖祠

東廡西向

先儒周輔成茂叔先生父累贈諫議大夫明萬曆二十三年從祀

先儒程珦字伯温明道伊川二先生父官大中大夫明嘉靖十年從祀

先儒蔡元定字季通九峯先生父諡文節明嘉靖十年從祀

西廡東向

先儒張廸子厚先生父官殿中丞知涪州國朝雍正二年從祀

先儒朱松字喬年號韋齋子朱子父諡靖獻明嘉靖十年從祀

名宦祠在戟門外左嘉慶五年邑人周煥元捐金重

建道光十七年知縣張奉書重建

秦蜀郡太守勅封敷澤興濟王李冰 漢蜀郡太守

文黨 明教諭邱嵩 明教諭趙欽 明知縣楊燾

明知縣韓奕 明知縣張寬 明知縣張瓊

主簿宋維忠

國朝總督南伊馬喇 巡按御史郝浴 勇畧將軍

總督趙良棟 松茂道歷陞戶部尚書王隲 布政

司歷陞湖廣總督李輝祖 按察司劉德芳 知縣

王祇台 布政使歷任閩浙總督董教增 署總督

新都縣志

卷五

學校志

六

戴三錫 學使侍郎陳希曾

鄉賢祠在戟門外右明正德知縣韓奕建 國初增

修嘉慶五年邑人周煥元捐金重修道光十七年知

縣張奉書重修

漢道德三老楊統 懿行光祿大夫楊博 文父侍

中楊厚 文苑樂安相李尤 精誠五官諒輔 孝

廉汝敦 隱逸段翳 亢烈辟士段恭 元隱逸伯

如璧 明經舉人杜圭 明儒林楊敏 明隱士田

本 明吏目楊玟 明湖廣提督學僉事封少保兼

太子太保戶部尙書文淵閣大學士楊春 明太子

太保華蓋殿大學士楊廷和 明兵部侍郎楊廷儀

明贈光祿寺少卿狀元楊慎 明御史楊有仁

忠義孝弟祠在學宮側左慶慶十七年知縣楊道南

建道光十七年知縣張奉書重建

漢獨行郿令王忱 漢義士楊寬 漢忠烈從事王

累 元忠節判官布景範 明孝子車政

國朝謀勇子爵浙江提督許世亨 昭武都尉梁萬

營都司高傑

新都縣志

卷五

學校志

節孝祠舊在學宮南知縣張昉建知縣楊綿祚重修

嘉慶五年邑人周英募金重建道光十七年知縣張

奉書改建於學宮側右

漢節婦便敬妻王和 孝廉汝敦妻女歸

明熊氏 黃氏 楊氏 趙氏 錢氏

國朝節婦師危氏 趙陳氏 陳黃氏 馮趙氏

趙王氏 蘭馬氏 魏楊氏 曹彭氏 周王氏

冉譚氏 吳楊氏 魏李氏 林魏氏 周王氏

周張氏 宋朱氏 高張氏 高柯氏 吳夏氏

况陳氏 向蔡氏 張高氏 周林氏 史巫氏
周趙氏 張黃氏

尊經閣在學宮內道光十七年知縣張奉書新建內貯

頒發書籍今錄其現存者於左

學政全書一部四本

欽定學政全書一部二十二本

欽定明史一部一百六十本

御纂周易述義一部八本

新都縣志

卷五

學校志

六

御纂書經彙纂一部十六本

御纂詩經彙纂一部二十四本

御纂詩義折中一部十四本

御纂書經傳說一部二十二本

周禮義疏一部三十二本

儀禮義疏一部四十本

禮記義疏一部四十八本

欽定日講四書一部十六本

上諭一部三十本

聖諭廣訓一部二本

定四書文選一部二十本

四書講義一部八本

朱子綱目一部九十二本

朱子全書一部五十本

禮部則例一部二十四本

四川通志一部一百一十本

學宮圖考一部四本

教諭署在學宮右

新都縣志

卷五

學校志

七

訓導署在學宮左

學額

歲試附生八名武生八名科試附生八名

廩膳生員二十名增廣生員二十名

學田六十畝邑人劉宏基捐置在縣南十二里吳

村二甲載糧銀八錢六分六釐四毫

龍門書院在縣城文昌廟後乾隆十八年知縣王

垂綺舊建城東近市煩囂乾隆五十四年知縣任

錡移建今所嘉慶十七年知縣楊道南改建向址

道光二十三年知縣張奉書增修房舍並將前歲捐賑餘資置買田畝撥入書院以爲膏火之資建立章程以垂久遠

書院舊置田一百二十畝每年實納租穀一百七十一石三斗

山長束脩銀每年一百兩

生童膏火四十八名

龍門書院章程碑記爲激勵人材以興學校事照得人材之興始於學校學校之盛視乎栽培新邑

新都縣志

卷五

學校志

三

文獻名都人材蔚起本縣蒞任以來卽於書院思有以激勵而振興之無如租息尙微膏火未能多設茲據紳糧將上年捐賑餘資置買老五甲田畝稟請撥入書院以爲膏火之資深愜本縣培植人材之意已批准將此項田畝交齋長招佃收租量其歲入添設膏火另議章程以垂久遠庶人材有藉而興學校得人而盛追踪前哲科第聯鑣實有厚望焉爰立章程於后

一山長每年束脩銀一百兩三節致送每節節敬

四兩開館解館往來夫馬由齋長酌量應付

一監院每年薪水銀十二兩三節致送

一書院原有產業並新置田畝歲收租穀約計可折價銀五百兩有奇山長束脩節禮聘金並監院薪水及生童膏火共需銀三百四十餘兩餘銀以作生童獎賞課期卷價柴炭之費此外不准支用

一額設官生正課四名童生正課十名每名月支膏火銀八錢官生附課四名童生附課三十名每名月支膏火銀五錢經費稍裕再行增添餘俱作

新都縣志

卷五

學校志

三

爲外課不給膏火

一齋長二名每名歲支薪水錢八千文

一院中看司每年給錢六千文

課期禮房唱名造冊每年給紙筆錢四千文

一每年示期收錄生童務於前數日至房註冊投考收取者方准入院肄業應課未經收取者不准應課至收錄不到月課始來投考者必考超特等一次以作收錄再考超特等一次方挨次補正附

課

一上館之日收錄已取者咸須齊集隨同謁見山長

一每年課期自三月起至十月止共八個月每月官課一次堂課二次官課定於每月初二日由縣命題堂課定於十二二十二日由山長命題
一生童正附課以每月官課考列在前者挨次補取如上月考取正附課下月官課落後即降為外課上月考取外課下月官課列前即拔為正附課按月升降不得以一次考取即領數次膏火

新都縣志

卷五

學校志

三

一生童正附課須兩次堂課俱到始給全分膏火如堂課一次不到正課扣銀二錢附課扣銀一錢二分二課不到正課扣銀四錢附課扣銀二錢四分

一官課獎賞文生四名超等第一名獎賞錢六百文第二名獎賞錢四百文第三四名每名獎賞錢三百文童生正課獎賞十名超等第一名獎賞錢六百文第二三名每名獎賞錢四百文第四名至十名每名獎賞錢三百文

一堂課每次文生發超等一名童生發超等三名
每名給獎賞錢二百文文生發特等二名童生發
特等四名每名給獎賞錢一百二十文
一堂課亦須局試不得領卷出外如違文雖佳不
取

一堂課不得倩人頂替如違正課扣膏火銀二錢
附課扣膏火銀一錢二分

一堂課用卷格三篇不必全套

一月課試卷獎賞柴炭及山長到館解館酒席准

新都縣志

卷五

學校志

三

於公項內支銷至本縣飯食及生童點心官爲捐
辨

一正附外課生員歲科兩試以學憲下學之日始
發落之日止堂課不到免扣

一正附外課童生歲科兩試縣府考以取齊之日
始發榜之日止院考以發落之日止堂課不到免
扣餘日仍照前議

一應課領卷次日始行交投者查出交監院責斥
若係正附課將膏火扣除以後不准投考

一課期點名生童有不具衣冠者逐出

一院田應上大糧米都江堰工費照舊按田完納

一院田每年應上差錢免派

一正附外課生童堂課文理荒謬者初次山長青
斥二次山長指名扣膏火銀二錢附課扣膏火銀
一錢二分

道光十九年十一月下浣邑令張奉書撰記

學規

白鹿洞書院揭示

新都縣志

卷五

學校志

四

父子有親君臣有義夫婦有別長幼有序朋友有信
右五教之目堯舜使契爲司徒敬敷五教卽此是
也學者學此而已而其所以學之之序亦有五焉
其別如左

博學之審問之慎思之明辨之篤行之

右爲學之序學問思辨四者所以窮理也若夫篤
行之事則至修身以至於處事接物亦各有要其
別如左

言忠信行篤敬懲忿窒慾遷善改過

右修身之要

正其義不謀其利明其道不計其功

右處事之要

己所不欲勿施於人行有不得反求諸己

右接物之要

某竊觀古昔聖賢所以教人爲學之意莫非使之講明義理以修其身然後推以及人非徒欲其務記覽爲詞章以釣聲譽取利祿而已也今人之爲學者旣反是矣然聖賢所以教人之法具存於經有志之士固當熟讀深思而問辨

新都縣志

卷五

學校志

三

之苟知其理之當然而責其身以必然則夫規矩禁防之具豈待他人設之而後有所持循哉近世於學有規其待學者爲已淺矣而其爲法又未必古人之意也故今不復以施於此堂而特取凡聖賢所以教人爲學之大端條列如右而揭之楣間諸君其相與講明遵守而責之於身焉則夫思慮云爲之際其所以戒謹而恐懼者必有嚴於彼者矣其有不然而或出於此言之所棄則彼所謂相者必將取之固不得而畧也諸君其亦念之哉

朱子

用功節目

道之旨浩何處下手聖門用功節目其大要不過曰致知與力行而已致者推之而至其極之謂致其知者所以明萬理於一心而使之無所疑也力者勉焉而不敢怠之謂力其行者所以復萬善於一已而使之無不備也知不致則真是真非無以辨其行將何所適從必有錯認人欲作天理而不自覺者也行不力則雖精義入神亦徒屬空言而盛

新都縣志

卷五

學校志

五

德至善竟何有於我哉此大學明明德之功必以格物致知爲先而誠意正心修身繼其後中庸擇善固執之目必自夫博學審問慎思明辨而篤行之而顏子稱夫子循循然善誘人亦唯在於博我以文約我以禮而已無他說也然此二者亦非截然判先後爲二事猶之行者目視足履動輒相應蓋亦交進而互相發也故知之明則行愈達而行之力則知又益精矣其所以爲致知力行之地者必以敬爲主敬者主一無適之謂所以提撕警省

此心使之惺惺乃心之生道而聖學之所以貫動
靜徹終始之功也能敬則中有涵養而大本清明
由是而致之則心與理相涵而無顛實之患由是
而力行則身與事相安而亦不復有扞格之病矣
雖然人性均善均可以適道而鮮有能從事於斯
者由其有二病一則病於安常習故而不能奮然
立志以求自拔一則病於偏執私主而不能豁然
虛心以求實見蓋必如孟子以舜爲法於天下而
我猶未免爲鄉人者爲憂必期如舜而後已然後

新都縣志

卷五

學校志

三

爲能立志必如顏子以能問於不能以多問於寡
有若無實若虛然後爲能虛其心既能立志而不
肯自棄又能虛心而不敢自是然後聖門用功節
日循序而日進日日有惟新之益能升堂入室惟
吾之所欲而無所阻矣此又學者所當深自警也

陳北
溪集

潭州示學者說

予旣新其郡之學又爲之續廩士之費俾誦絃於斯
者微一日之輟焉教授陳君瑞甫過余而請曰公

之於士也有以安其居又有以足其食顧亡一言以淑之可乎余謝曰此師儒之事也予何言雖昔常聞之孔氏矣豈不曰古之學者爲已乎自漢以經術求士士爲青紫而明經唐以辭藝取士士爲科目而業文其去聖人之意遠矣今之學者其果爲已而學歟其亦猶夫漢唐之士有所利而學也如果爲已而學則理不可以不窮性不可以不盡不至聖賢之域弗止也若其有所利而學則苟能操觚吮墨媒爵秩而負軒裳斯足矣放失其心

新都縣志

卷五

學校志

三

弗顧也夷醜其行弗恥也此學者邪正之歧途也請以是淑吾士可乎瑞甫曰敬聞命矣抑後世之言學者其有得於孔氏之指歟曰後世之言學者其不繆於聖人鮮矣獨嘗於唐之陽子近世之石于尹子有取焉陽子曰學者學爲忠孝也石子曰學者學爲仁義也尹子曰學者學爲人也是三言者庶幾聖門之遺意乎方唐之世士習之陋甚矣陽子一旦倡斯言於太學如天球之音威鳳之鳴學者竦然洗心而易聽歸覲其親者踵相躡焉理

義之感人如此然則石子之言其有異於陽子歟
曰亡以異也仁者孝之原義者忠之榦曰仁義則
忠孝在其中矣然則尹子之言其有異於二子歟
曰亡以異也夫人與天地並而爲三才者也必兼
五常備萬善然後人之道立焉其警世之深爲人
之切又進乎二子矣敢問所以學爲人者奈何曰
耳目膚體人之形也仁義禮智人之性也君臣父
子昆弟夫婦朋友人之職也必循其性而不悖必
盡其職而無愧然後其形可踐也孟子曰人之異

新都縣志

卷五

學校志

三

乎禽獸者幾希庶民去之君子存之又曰無惻隱
之心非人也無是非之心非人也夫天之生斯人
也與物亦甚異矣而孟子以爲幾希何哉蓋所貴
乎人者以其有是心者也是心不存則人之形雖
具人之理已亡矣人之理亡則其與物何別哉故
均是人也盡其道之極者聖人之所以參天地也
違其理之常者凡民之所以爲禽犢也聖愚之小
其端甚微而其究甚遠豈不大可懼耶予故曰尹
子之言其警世之深爲人之切又進乎二子也吾

黨之士苟無意於聖賢之學則已儻有志焉則躬內省於人道之當然者有一毫之未至以於

皇然如渴之欲飲餒之欲食也凜凜然如負或亡

而蹈棘茨也吾子幸以為然則願以告夫同志者

俾知太守之期乎士不在於微人爵取世資而在

乎敬身而成德也瑞甫瞿然曰公之淑吾士者厚

矣瑤請揭其言於學以為士之則真西山集

張奉書曰先哲格言凱切詳明發人深省今謹錄

朱子白鹿洞規陳北溪真西山二先生之緒言揭

新都縣志

卷五

學校志

三

於書院之壁以為諸生楷模學者誠能即身體驗循序以求則上之可以為聖為賢下之亦不失為謹身寡過之士大道浩浩是曰津涯若乃世俗之所謂學規者大都侈鞏悅之空言炫科名之捷徑終身奉若蓍蔡而按之正學奚啻背馳僕雖固陋無聞深不欲為吾黨勗也道光二十四年八月初一日謹識

義學

大悲寺

城內

彌牟鎮

復興場

永興場

軍屯鎮

馬家場

河吞場

共七所每處束

脩二十兩共一百四十兩

知縣楊道南李應元黃傑相繼捐俸同紳糧共捐銀一千三百八十兩置買義學田三十八畝七分二釐七毫去價銀一千二百三十兩餘銀一百四十九兩二錢五分當田五畝每年共攜市斗租穀七十二石二斗

道光十六年楊中岷捐銀三百兩添買義田河壩旱地七畝三分每年收乾租錢十千文二十一年

新都縣志

卷五

學校志

三

被水冲泛減租錢五千文

申明亭在縣城東乾隆五十四年知縣薛諧律建道光十五年知縣錢履和新建

龍亭一座陪房二楹圍房八楹地臺一座大門三間經始於乙未二月二十四日落成於六月十五日一切磚瓦木石工價共用銀八百一十五兩有奇